

中國邊疆史志集成

東北史志

第三部

8

全國圖書館文獻縮微复制中心

中國邊疆史志集成

東北史志

第三部
8

全國圖書館文獻
縮微復制中心

新華書店
PDG

紀各軍犒賞津貼

東省各軍馳驅絕漠冰雪苦寒已非內省軍營所可共語而物價騰貴較之內省不啻倍蓰不有以優異之非所以賞有功且無以鼓舞士氣也既定臨陣傷亡卹賞之例將弁士率各有等差其剿匪屢獲大勝若准奉各軍每專員查酒食服物銀兩赴營頒賞之而副都統崑源率武衛左軍十營赴黑龍江剿辦馬賊奉天將軍趙爾巽復派副都統瑞祿率奉軍助之奏明撥銀一萬二千兩爲犒賞奉

旨允行未及發而趙將軍去任世昌遵行之提督張勳所部准軍餉項仍歸直隸撥發趙將軍每年另給津貼銀一萬兩世昌仍之漠河金礦與俄羅斯邊界僅隔一江中外匪徒麇集肆擾舊由江省派練軍駐紮漠口以爲保衛世昌循其例檄派江省巡防中軍左營步隊一營前往駐紮地爲最遠物價亦最爲昂貴所有官兵弁兵丁均各按其應領正餉數目加給津貼銀兩此外若各鎮協官長之選赴講武堂肄習學術者均仍支原營原薪其營中遺缺代理人員則由截曠項下撥給津貼銀隊官每月十兩排長司務長每月八兩各營出外繪圖官兵除應領餉銀之外亦給予津貼銀官長

每日五錢兵丁每日二錢五分則又所以勸學獎勤而昭示大公也

附奏頒發武衛軍奉軍犒賞銀兩片

再前因江省防剿屬賊奉

旨特派武衛左軍十營來江填紮俾資鎮攝嗣又經

盛京將軍趙爾巽奏派瑞祿率領奉軍兩營來江助剿各該營兵丁等遠道跋涉而來沿途備歷艱辛且東省近來百物騰踊異常客軍愈形苦累自應分別犒賞以慰勤勞現經_臣等飭由善後局共撥銀一萬二千兩計每營發銀一千兩已派員前往各營照數核發俾資騰飽而勵軍心所支欸項應卽奏明作正開銷除分咨查照外謹附片陳明伏乞

聖鑒謹

奏光緒三十三年六月二十二日奉到

硃批該部知道欽此

蘇氏學堂
PDG


附奏加給駐防漠河官兵津貼銀兩片

再漠河金廠地方遼闊與俄境僅隔一江中外匪蹤出沒無常從前本由江省撥派練軍駐紮漠口原以鎮攝宵小慎重邊防現在漠廠已由北洋大臣派員接辦自應撥兵前往以資保衛前據該廠督理直隸候補道劉煥稟請撥駐重兵當經臣等將駐省巡防中軍左營步隊一營撥往漠口屯駐並飭歸該督理節制以一事權惟該廠地處極邊百物較省城尤爲翔貴所撥兵隊不能不量加津貼用示體卹現擬每兵每月加津貼銀四兩五錢官長亦按照底餉遞加至所有開撥運費軍糧運費以及建築營壘添用醫官軍衣一切用費均嚴飭隨事撙節動支將來再行分別報部核銷除分咨查照外謹附片陳明伏乞

聖鑒再此次駐漠一營自本年八月初一日起已遵陸軍部新定巡防隊章程改爲編定合併聲明謹

奏光緒三十三年九月初二日奉到

硃批該部知道欽此



蘇子學
PDG

篇	名	頁數	行	數	字數	誤	衍	缺	更正
軍備篇	一	五	一	三	寢				寢
全	上	二	三	三	一	任			備
全	上	二	一	八	二	五	蒸		蒸
第一混成協目兵正餉正乾數目表	一	九	六	四格二行	一	六			五
東三省督練處開支經費報銷摺	三	四	三	二	聖				鑒
吉林督練公所修工用過銀兩核銷片	三	六	一	〇	一	五	四	部支	支部
遼寧酌定吉林協餉數目飭部立案摺	四	七	一	三	一	九	租		租
全	上	四	七	一	八	二	照		昭
紀陸軍各學堂經費	六	一	八	三	〇	日			日

奉江省陸軍小學堂總辦等員 薪公片	七四	三	二	操	察
奏陳奉天巡防隊請照原奏數 目支給薪餉摺	一〇〇	二	七	營	隊
江省演練巡防用過各項銀兩 請銷摺	一二七	五	八	警	防
全上	一二七	一一	一二	照	昭
安海綏遠兩砲艦額支薪餉數 目表	一二三	九	一	字	字
紀各軍犒賞津貼	一五一	四	五	率	卒

東三省政略卷五

官制 總目

述要

奉天省

行政官制篇

司法官制篇

變置地方官制篇

吉林省

行政官制篇

司法官制篇


變置地方官制篇

黑龍江省

行政官制篇

司法官制篇

變置地方官制篇



東三省政略卷五

官制

述要

漢置都護遂移塞下之民元設總管爰分遼西之守衛所千百戶畫爲列戍之官燕雲十六州棄於割疆而治自來經營邊要拱衛上都罔不甄擇群倫釐定掌職紀綱悉應大小相維況東三省以豐鎬之舊京作保障於區夏蒙藩旗僕遙戴

皇靈黑水白山猶緘地寶重

發祥根本之地立軍府統治之規是以世僕之臣惟嫺騎射湯沐之邑並禁樵蘇北魏行臺未列職官之表西京留守僅屬軍旅之司泊乎事變屢更歐風東漸茫茫大陸交通則電掣星馳膺膺周原越畔則結廬成市荒涼沃火釀成劇戰之場悽絕神皋藉作殖民之地雖豐沛子弟不覩司隸官章而關隴山河猶是舊邦文物

朝廷鑒舊制之未善念來軫之方遘

詔改東三省爲行省命世昌督治之時則憲政方新成規更創攷階勳舊秩命公卿而闢宏

文罷臺寺空名仿元豐之頒新制顧府分曹而縣分案內地猶遲改置之勢而左爲輔而右爲丞邊塞實立範模之準則嘗盱衡時勢通變古今攷因革張弛之由定品秩隆污之序漢河西之起五郡知籌邊最忌空虛唐都督之設參軍知分曹必資統屬驗舊聞於日下恢張三輔皇圖樹新政之風聲釐定九階秩序約舉綱要殆有數端一曰行政官制夫邊州設經略副使或患其偏尊江左起行臺丞郎皆許其權制乃爲之定督撫同署辦公之制如腹心之使指臂民隱皆通由中央而達四旁政權益敏元明行省布政有左右之稱歐美良規立法居單行之地乃爲之設奉天左右參贊下率百僚庶尹紀綱萬政之原願與博士議郎纂訂十篇之律耽耽強敵啓西隣之責言泱泱神州重主權於國際乃爲之設奉天吉林交涉使行人子羽兩大聯盟會之歡公法師鳩萬國締平均之則使稱宣撫先王以保息養民職重俯循太史以觀風問俗乃爲之設三省民政使重民數而書於策省方繪稼穡之圖知王道之始於鄉自治結粉榆之社稽宗支於玉牒政教陵夷備軍籍於青衣生齒衰落乃爲之設奉天旗務使吉林黑龍江旗務處撥披甲從龍之裔毋替家聲教受廛牧馬之

氓爲謀生聚勤教勸學文公以之興邦上黨下庠周室益爲等殺乃爲之仍三省提學使開邊荒之知識聲教統於司成合歐亞之課程絃誦遍於遐塞綜茶馬鹽鐵酒權諸官皆理財責任觀日要旬會月計之事卽決算明徵乃爲之設三省度支使仿大藏之省財權得劑其盈虛作平準之書國用特司其出納攷工皆專門之官六材是典實業爲大利之藪萬寶告成乃爲之設奉天吉林勸業道農商工藝作模範於市場林牧漁鹽關善英於寶藏一曰司法官制司寇之屬有專官非郡守所得預司法之省爲獨立尤東西之所同乃爲之設三省提法使區別邦典邦法邦成之制卽刑律民律商律之所由分釐定鄉士遂士方士之名卽高等地方初級之所由判變提點之舊制置律學以待法官分廷尉之職權合衆庶以宣刑禁乃爲之設奉天吉林各級審判廳劉僕射增損格勅足徵法理之精神宋元豐左右廳司適合分庭之制度詔獄可以起訴謂之制勘之司失斷以禁非爲別置糾察之吏乃爲之設奉天吉林各級檢察廳命有司而察夷傷期無枉縱爲小民以正劑約寧有貪漁夫天下之法在審刑天下之獄在大理各司其職自昔已分比者組織法庭研求律學命郡

縣不親訟事遂疑獄吏之不尊易鞭撻而使盡辭又懼爰書之莫定不知政與法不容混襲而事與理各有定名國一旬郊二旬野三旬卽上訴之期限曰司刑曰司民曰司隸皆聽訟之專官雖措置未周尙待新律實行之推廣而精神一振已爲法權分立之初基一曰地方官制夫形勢關則控馭不周交通梗則事機坐失樂浪古郡幾同甌脫之區潢海天池實有鞭長之慮又況強鄰逼處兵燹餘生虔劉我邊陲震撼我藩屬汽車所指遂竊領土之大權商場一開莫辨主名之誰屬滿洲里之侵國境固無守土之官興凱湖之移界碑疇是問津之吏不有官守曷固邊防乃爲之添置三省道府州縣以下諸官指河山而分界綫有土先於有人闢草萊而集邊氓興養乃能興教然而因時增損者裁制人地之宜綜覈名實者統一事權之要在昔軍府之世虎賁舊族兔置干城軍民半屬老臣官吏成其故邑今則壤地相接門戶洞開新大陸爲競爭之場都總管無地方之寄航航動戚中郎鮮執戟之司莽莽要荒諸衛是守邊之吏職司所掌今昔殊情又況統系一家陶甄萬類爲遺黎謀生計自不僅以世祿終身爲邊地選材官自不應以舊規相限乃爲之裁撤三省副總統總

管以下諸官易荒榛而爲要塞敢侈拓殖之謀變舊職而作新民已振因循之習凡此經畫職權變通任務併分在勢唐開元刪定舊階增損因時隋大業始行新令固已大綱畢舉百度咸資他如圭璧世藩毘炎部落夜郎自大携貳難圖南越賜書羈縻勿絕相依虞虢將爲壁馬假道之謀蕞爾江黃恐蹈漢陽諸姬之續乃爲之設三省蒙務局以統治蒙部開其田疇一其政令顓臾是東蒙主毋啟戎心夫餘有佐命勳宜延世澤又如整齊戎備簡討軍容神策軍之鎮陝州用防邊患羽林衛之置江右別設兵曹又況廂兵禁兵成規不襲軍紀風紀學說日精乃爲之設三省督練處以統一軍政革屯營之積弊殫籌畫於國防漢設左右監掌檢校諸軍之籍宋置指揮使卽參謀本部之官其他因事命人量材分職機務繁賾未遑僂指雖然官制者國家統一職權之大綱非三省所能獨異也往者草創宏規更新名義稽歐亞官人之法特簡親賢考古今得失之林俾修法典迺格令之頒行未普而邊疆之創率宜先世昌重任初膺時艱正亟欲官無廢職則規定其名稱欲責有專司則申明其權限願作同僚之譜庶幾百廢俱興深維立憲之基毋悖三權分峙卽此造因之迹建